

## Vedlegg 3: Tilskotsordning - By- og stadutvikling

### Tilskot til utvikling av levande stader i Vestland

#### Føremål med ordninga

Ved å skapa gode rammer for kvardagslivet i byar og stadar i Vestland kan vi bidra til ei berekraftig samfunnsutvikling. Levande stadar, der folk ønskjer å bu, arbeida, driva næring og besøka, fremjar folkehelse og legg til rette for god arealbruk og miljøvenleg transport. *Berekraftsmål nr. 11: Berekraftige byer og samfunn* som eit område der regionale og lokale myndigheiter særleg kan påverka. Denne tilskotsordninga skal bidra til kommunane sitt arbeid med å skapa sentrum og nærmiljø som stimulerer til trivsel, aktivitet og møte mellom folk.

#### Kven kan søkje

Kommunane i Vestland fylke.

#### Søknadsfrist:

Søknadane vert handsama to gonger i året. I 2020 er søknadsfristane 15. mai og 15. september.

#### Krav til søknaden

Søknad skal registrerast elektronisk på [www.regionalforvaltning.no](http://www.regionalforvaltning.no). (Lenke ved publisering)

Den elektroniske søkjarportalen baserer seg på standard søknadsskjema. Innhaldet kan utdjupast i vedlegg til søknaden.

#### Søknad må innehalde

- Omtale av kva kommunen ønskjer å nytte tilskotsmidlane til, inklusive målsettingar og relevans for føremålet med tilskotsordninga
- Plan for gjennomføring og vurdering av forventa verknad
- Framdrift, finansieringsplan og oversikt over kostnader
- Søknadsbeløp

#### Kva kan få støtte

Midlane skal nyttast til kommunale prosessar og utviklingsarbeid som stør opp om mål og strategiar i *Strategi for tettstadutvikling og senterstruktur, Sogn og fjordane fylkeskommune 2018 - 2022* og *Regional plan for attraktive senter i Hordaland 2015 - 2026*, samt dei overordna måla i Utviklingsplan for Vestland som no er under arbeid:

- Mål 1 Klima og miljø som premiss for samfunnsutvikling
- Mål 2 Lokalsamfunn som ramme for gode kvardagsliv i heile Vestland
- Mål 3 Like mogelegheiter til å delta i verdiskaping
- Mål 4 Vestland som det leiande verdiskapingsfylket og nasjonal pådrivar for eit regionalisert og desentralisert Noreg.

#### Midlane kan nyttast til:

Sosial berekraft, universell utforming og inkluderande by- og stadutvikling

Skapa tilgjengelege, inkluderande og trygge stadar der folk trivst, føler tilhøyrslø og som stimulerer til aktivitet.

#### Eit levande sentrum

Utvikling av mangfaldige, attraktive og særprega sentrum, der folk har lyst til å bu, arbeida og besøka. Eit sterkt sentrum skal sørve og støtte opp om omlandet rundt.

Aktiv og deltakande medverknad

Mobilisering og samhandling mellom ulike grupper for å styrke medverknad i stadutviklinga utover minstekravet i plan- og bygningslova.

Kunnskapsgrunnlag

Kartlegging og analysar som skal gi auka kunnskapsgrunnlag for planlegging av berekraftige byar og stadar. Alle byar og stadar har sin eigen karakter, forma av klima, natur, kultur og historie. Utforming av bygg og uterom bør ta omsyn til det naturgitte og kulturelle særpreget ved staden.

Mellombelse møteplassar

Mellombelse tiltak i byrom eller på plassar som har potensial for ny bruk og utforming i staden for, eller parallelt med pågåande plan- og utviklingsprosessar. Tiltaka skal stimulere til å prøve ut ny aktivitet innanfor eit kortare tidsrom, med avgrensa ressursar og gjerne i samarbeid med frivillige lag, organisasjonar og næringsliv.

#### Vilkår

- Søknaden vert vurdert ut frå gjeldande planar og strategiar.
- Prosjektet skal ha overføringsverdi til andre kommunar. Vi ønskjer at kommunen stiller seg disponibel til å formidle resultatet i framtidige konferansar eller liknande.
- Fylkeskommunen vert invitert inn til deltaking i prosessen, i styringsgruppe, oppstartsseminar eller liknande.
- Normalt kan det gjevast inntil 50 % av total kostnad. Kommunen må ha eigen finansiering, dette kan vere i form av eigeninnsats.
- Rapportering skal skje i tråd med tilsegnsbrevet.
- Det er krav om tilbakebetaling dersom prosjektet ikkje vert gjennomført i tråd med tilsegnsbrevet.

#### Kriterium for prioritering av tildeling

- Søknaden sitt ambisjonsnivå i høve til tilskotsordninga.
- Oppfølging av *Regionale plan for attraktive senter i Hordaland/Strategi for tettstadutvikling og senterstruktur i Sogn og Fjordane*, og overordna mål i Utviklingsplan for Vestland.
- Overføringsverdi til andre byar, stadar og kommunar.
- Forankring i kommunalt planarbeid og/eller politiske vedtak.